

MPN/plc

**ACTA DA SESIÓN ORDINARIA DA COMISIÓN INFORMATIVA DE COOPERACIÓN
LOCAL, TRANSFRONTEIRIZA E DE COORDINACIÓN DAS EMERXENCIAS
PROVINCIAIS DO DÍA 21/03/2025**

ASISTENTES

PRESIDENTA: D.^a María Pilar Ramallo Vázquez

VOGAIS: D. Roberto José Álvarez Carrero

D. Javier Tourís Romero en substitución de D.^a Luisa María Sánchez Méndez

D. Rafael Domínguez Artime

D. Jorge Cubela López

D. Jesús Vázquez Almuíña

D. Ricardo Martínez Chantada

D. Manuel Alejandro Lorenzo Alonso

D.^a María Nava Castro Domínguez

D.^a Nuria Rodríguez Rodríguez

D. Gorka Gómez Díaz

D.^a Digna Rosa Rivas Gómez

D. Paco Ferreira González

D. Gregorio Luis Agís Gómez

D. Javier Iglesias Mougán

D. Xosé Cesáreo Mosquera Lorenzo

D.^a Beatriz Lomba Rodríguez

Sendo as doce horas e cinco minutos do día vinte e un de marzo do ano dous mil vinte e cinco, reúnen-se no Pazo Provincial os Sres./as. Deputados/as arriba relacionados, en sesión ordinaria, e baixo a Presidencia de D.^a María Ramallo Vázquez. Actúa como secretaria a xefa do Servizo de Cooperación, D.^a Marina Piñeiro Novo.

Aberta a sesión pola presidenta, pásase ao estudo dos asuntos incluídos na Orde do Día, sobre os que recaeron os seguintes ditames:

1. Aprobación da acta da sesión anterior

Apróbase a acta da sesión anterior (CSV: M5UQCP2IQUTGRCW3), correspondente á sesión extraordinaria celebrada o tres de marzo do ano dous mil vinte e cinco por unanimidade.



2. Ditaminar a aprobación do proxecto técnico reformulado da actuación “Mellora e remodelación do parque da Ramallosa” presentado polo Concello de Nigrán ao abeiro do programa PON2030 (Expte. 2023030681)

Sométese ao ditame da Comisión Informativa de Cooperación Local, Transfronteiriza e de Coordinación das Emerxencias Provinciais a seguinte proposta de acordo, de conformidade co establecido nos artigos 123 a 126 do Real Decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais, con carácter previo á súa elevación ante o Pleno para a súa aprobación:

“ASUNTO: APROBACIÓN DO PROXECTO TÉCNICO REFORMULADO DA ACTUACIÓN “MELLORA E REMODELACIÓN DO PARQUE DA RAMALLOSA” PRESENTADO POLO CONCELLO DE NIGRÁN AO ABEIRO DO PROGRAMA PON2030 (Expte. 2023030681)

ANTECEDENTES

- O Pleno da Corporación Provincial na súa sesión extraordinaria de 06/03/2023, mediante o acordo núm. 2.7960, aprobou as Bases reguladoras e convocatoria do Programa provincial de infraestruturas e dotacións singulares para a execución da Axenda 2030 – Programa PON2030, publicadas no Boletín Oficial da Provincia de Pontevedra (BOPPO) núm. 46, de 07/03/2023, modificadas polo Pleno provincial na súa sesión ordinaria de 29/09/2023, mediante o acordo núm. 3.8051, publicadas no BOPPO núm. 191, de 03/10/2023.
- O Pleno da Corporación Provincial, na súa sesión extraordinaria urxente de 23/06/2023, mediante o acordo núm. 4.8011, concedeu unha subvención polo procedemento de concorrencia competitiva ao Concello de Nigrán con destino á execución da actuación denominada “Mellora e Remodelación do Parque da Ramallosa”, ao abeiro do Programa PON2030.
O custo total da actuación ascendía a 962.197,12€ e a subvención concedida a 769.757,70€, completándose o financiamento mediante unha achega municipal por importe de 192.439,42€.
- Mediante a resolución presidencial núm. RP2023007038 de 18/09/2023 (corrixida mediante a resolución presidencial núm. RP2023007567 de data 09/10/2023) aprobouse o correspondente convenio de colaboración entre a Deputación de Pontevedra e o Concello de Nigrán, co fin de definir as actuacións obxecto de subvención e concretar de xeito pormenorizado as obrigas das partes, o cal se asinou o día 29/12/2023.
- Coa intención de adaptalo proxecto de “Mellora e remodelación do parque da Ramallosa” ás condicións establecidas na autorización concedida en materia de patrimonio cultural, na data 30/01/2025 o Concello de Nigrán presenta no Rexistro da Deputación (núm. rexistro WEB2025005828), entre outros documentos, un proxecto reformulado do proxecto inicial e o Decreto de aprobación do mesmo e na data 10/02/2025 (núm. rexistro WEB2025007895) o concello presenta documentación complementaria. Os cambios introducidos no proxecto non supoñen modificación do importe total do orzamento de licitación.
- Na data 10/03/2025, en contestación ao requirimento realizado polo Servizo de Cooperación, o Concello presenta no Rexistro da Deputación (núm. Rexistro WEB2025016118) un informe sobre os cambios producidos no proxecto.



- O técnico facultativo do Servizo de Cooperación emite informe de supervisión do proxecto na data 11/03/2025 (CSV: FTM7YUF1JJWLTEBB).
- Examinado o proxecto pola Comisión de persoas expertas do Programa PON2030 na data 14/03/2025, conclúese que pódese continuar coa tramitación do expediente, tendo en conta que os cambios introducidos non afectan aos aspectos técnicos, nin modifican os obxectivos propostos da Axenda 2030, nin o cumprimento das políticas panca e principios Ágora do proxecto primitivo e conclúese que se mantén a puntuación obtida na baremación de acordo aos criterios de valoración fixados nas bases da convocatoria.
- O día 14/03/2025 a xefa do Servizo de Cooperación informa favorablemente o expediente (CSV: 5U7Z6LOJSPWVKSKK).
- Na data 18/03/2025 o enxeñeiro de camiños, canais e portos adscrito a Intervención emite informe no que considera que os cambios introducidos no proxecto non modifican a puntuación obtida na baremación de acordo aos criterios de valoración fixados nas bases da convocatoria (CSV: XKNOJ9BM6KF6I2XY).
- O día 18/03/2025 a Intervención provincial informa favorablemente a proposta de aprobación do proxecto reformulado (CSV: gK5WU8NPBBEoZ4WV).
- Sométese, así mesmo, ao ditame da Comisión Informativa de Cooperación Local, Transfronteiriza e de Coordinación das Emerxencias Provinciais.

FUNDAMENTOS DE DEREITO

Réxime xurídico

- Lei 38/2003, de 17 de novembro, xeral de subvencións (LXS), e o seu Regulamento aprobado por Real Decreto 887/2006, de 21 de xullo (RLXS)
- Lei 9/2007, de 13 de xuño, de subvencións de Galicia (LSG), e o seu Regulamento aprobado por Decreto 11/2009, de 8 de xaneiro (RLSG)
- Lei 7/1985, de 2 de abril, reguladora das bases do réxime local (LRBRL)
- Lei 39/2015, de 1 de outubro, do procedemento administrativo común das administracións públicas (LPACAP)
- Lei 40/2015, de 1 de outubro, de réxime xurídico do sector público (LRXSP)
- Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais (ROFRXEL)
- Real Decreto Lexislativo 2/2004, de 5 de marzo, polo que se aproba o Texto refundido da Lei reguladora das facendas locais (TRLRFL)
- Lei 9/2017, de 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014 (LCSP)
- Ordenanza xeral de subvencións da Deputación de Pontevedra, aprobada no Pleno provincial do 28 de outubro de 2016 e publicada no BOPPO do 30/12/2016 (OXSDPPO)
- Bases de execución do orzamento da Deputación para o vixente exercicio
- Bases reguladoras e convocatoria do Programa provincial de infraestruturas e dotacións



singulares para a execución da Axenda 2030 – Programa PON2030

- Convenio de colaboración entre a Deputación de Pontevedra e o Concello de Nigrán para a execución da actuación denominada “Mellora e remodelación do parque da Ramallosa” ao abeiro do Programa PON2030

Consideracións xurídicas

Instrución do expediente

- Base reguladora 7ª da convocatoria, pola que a instrución do procedemento correspóndelle á xefa do Servizo de Cooperación.

Petición e evacuación de informes

- Artigos 79 e 80 da LPACAP, sobre a petición e a evacuación de informes.
- Artigo 88.6 da LPACAP, que sinala que a aceptación de informes ou ditames servirá de motivación á resolución cando se incorporen ao texto da mesma.
- Artigos 213 e ss. do TRLRFL, sobre o control e a fiscalización da xestión económica que lle corresponde realizar á Intervención.
- Bases 47ª e 48ª de execución do vixente orzamento provincial, sobre o control e a fiscalización da xestión económica, que sinala a competencia da Intervención para realizar esta función.

Resolución do expediente

- Artigo 2 da LSG, en concordancia co artigo 2 da LXS, que na definición de subvención vincula a disposición dineraria entre outros requisitos, a que a entrega estea suxeita ao cumprimento dun determinado obxectivo, a execución dun proxecto, a realización dunha actividade, ou a adopción dun comportamento singular, xa realizados ou por desenvolver, debendo o beneficiario cumprir as obrigacións materiais e formais que se estableceran.
- Artigo 11.a) da LSG, en concordancia co artigo 14.1.a) da LXS, que establece como obriga do beneficiario cumprir o obxectivo ou executar o proxecto que fundamenta a concesión da subvención.
- Artigo 64 do RLXS que dispón que unha vez recaído un acordo ou resolución de concesión pódese solicitar unha modificación do seu contido, de acordo co disposto nas bases reguladoras da subvención, e sempre e cando non se prexudique dereitos de terceiros e se solicite antes de que conclúa o prazo para a realización da actividade.
- Artigo 16 da OXSDPPO, respecto da modificación da resolución de concesión, pola que salvo que nas bases reguladoras, resolución de aprobación da convocatoria ou de concesión se estableza o contrario, o beneficiario poderá solicitar a súa modificación, non debendo variarse o destino ou finalidade da subvención. En concorrencia competitiva a modificación só será posible no caso de que non altere a puntuación obtida pola persoa beneficiaria por aplicación dos criterios de concesión.
- Artigo 205 da LCSP, que recolle os supostos de modificacións non previstas nos pregos de cláusulas administrativas, así como os límites na alteración das súas contías.
- Artigo 242.4 da LCSP, polo que de considerarse necesaria unha modificación do proxecto procederase á súa redacción e aprobación polo órgano de contratación.



- Cláusula 6ª do Convenio, en concordancia coa Base reguladora 17ª da convocatoria, pola que, se durante a execución da obra xurdise a necesidade de modificar o proxecto, o Concello deberá redactar e xestionar administrativamente, de acordo co establecido na normativa de contratos, a dita modificación, que deberá ser aprobada polo órgano competente do Concello. Esta modificación non poderá supoñer unha minoración da puntuación acadada no proxecto inicialmente presentado. Tras a aprobación polo Concello, a Deputación supervisará a modificación e, de ser o caso, dará a súa aprobación, sen a cal non será posible o pago da subvención. As modificacións financiaranse co importe das baixas que se produzan no proceso de adxudicación dos contratos. O importe das baixas non aplicadas aplicarase proporcionalmente entre a Deputación e o Concello. No caso de non existir ou de ser o importe da modificación superior ao importe da baixa, financiarase coa achega do Concello ou coas doutros entes públicos.

Competencia para resolver

- Correspóndelle ao Pleno da Deputación, de acordo coa Base 16ª de execución dos orzamentos da Deputación para o vixente exercicio, e en virtude dos artigos 33 da LRBRL e 185 do TRLRFL.

CONCLUSIONES

O proxecto reformulado presentado polo Concello de Nigrán para a execución da actuación denominada “Mellora e remodelación do parque da Ramallosa”, no marco do Programa PON2030, non altera nin a finalidade nin o obxecto para o que se outorgou a axuda económica da Deputación.

O importe total do orzamento do proxecto reformulado correspóndese co do proxecto inicial, manténdose invariable o importe da subvención concedida.

A Comisión de Persoas Expertas do Programa PON2030 pon de manifesto que os cambios introducidos non afectan á puntuación obtida no proceso de baremación de acordo aos criterios de valoración fixados nas bases da convocatoria.

O proxecto preséntase antes de que remate o prazo de execución das obras acollidas no Programa PON2030 e co mesmo non se prexudican intereses de terceiros, nin se alteran as circunstancias que se tiveron en conta para a concesión da subvención. En consecuencia, non se prexudican os principios de igualdade, obxectividade e non discriminación que deben rexer os procedementos de concesión de subvencións, e en particular no sistema de concorrencia competitiva.

Por todo o exposto, e á vista dos antecedentes, fundamentos de dereito e conclusións sinaladas, sométese ao ditame da Comisión Informativa de Cooperación Local, Transfronteiriza e de Coordinación das Emerxencias Provinciais a seguinte PROPOSTA DE ACORDO:

- APROBAR o proxecto técnico reformulado da actuación “Mellora e remodelación do parque da Ramallosa” presentado polo Concello de Nigrán ao abeiro do Programa PON2030.
- DAR TRASLADO do presente acordo ao Concello de Nigrán, a Intervención, ao Servizo de Cooperación e ao Gabinete de Presidencia.”



Sometido a votación este asunto, a Comisión Informativa de Cooperación Local, Transfronteiriza e de Coordinación das Emerxencias Provinciais, ditamina favorablemente por unanimidade, cos votos a favor dos/as deputados/as do Grupo Provincial do PP (9), do Grupo Provincial do PSdeG-PSOE (6) e do Grupo Provincial do BNG (2).

3. Ditaminar a aprobación do proxecto técnico modificado da actuación “Execución paseo da Corredoira e Augusto Glez. Besada. Fase 1: Augusto Glez. Besada e Corredoira Sur” presentado polo Concello de Tui ao abeiro do programa PON2030 (Expte. 2023030660)

Sométese ao ditame da Comisión Informativa de Cooperación Local, Transfronteiriza e de Coordinación das Emerxencias Provinciais a seguinte proposta de acordo, de conformidade co establecido nos artigos 123 a 126 do Real Decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais, con carácter previo á súa elevación ante o Pleno para a súa aprobación:

“ASUNTO: APROBACIÓN DO PROXECTO TÉCNICO MODIFICADO DA ACTUACIÓN “EXECUCIÓN PASEO DA CORREDOIRA E AUGUSTO GLEZ. BESADA. FASE 1: AUGUSTO GLEZ. BESADA E CORREDOIRA SUR” PRESENTADO POLO CONCELLO DE TUI AO ABEIRO DO PROGRAMA PON2030 (Expte. 2023030660)

ANTECEDENTES

- O Pleno da Corporación Provincial na súa sesión extraordinaria de 06/03/2023, mediante o acordo núm. 2.7960, aprobou as Bases reguladoras e convocatoria do Programa provincial de infraestruturas e dotacións singulares para a execución da Axenda 2030 – Programa PON2030, publicadas no Boletín Oficial da Provincia de Pontevedra (BOPPO) núm. 46, de 07/03/2023, modificadas polo Pleno provincial na súa sesión ordinaria de 29/09/2023, mediante o acordo núm. 3.8051, publicadas no BOPPO núm. 191, de 03/10/2023.
- O Pleno da Corporación Provincial, na súa sesión extraordinaria urxente de 23/06/2023, mediante o acordo núm. 4.8011, concedeu unha subvención polo procedemento de concorrencia competitiva ao Concello de Tui con destino á execución da actuación denominada “Execución Paseo da Corredoira e Augusto Glez. Besada. Fase 1: Augusto Glez. Besada e Corredoira Sur”, ao abeiro do Programa PON2030.
O custo total da actuación ascendía a 994.643,81€ e a subvención concedida a 795.715,05€, completándose o financiamento mediante unha achega municipal por importe de 198.928,76€.
- O 10/11/2023 asínase o correspondente convenio de colaboración entre a Deputación de Pontevedra e o Concello de Tui, co fin de definir as actuacións obxecto de subvención e concretar de xeito pormenorizado as obrigas das partes. Na súa cláusula 6ª recóllese que, de xurdir a necesidade de modificar o proxecto, o Concello deberá redactar e xestionar administrativamente, de acordo co establecido na normativa de contratos, a modificación do proxecto, que deberá ser aprobada polo órgano competente do Concello. Tras a aprobación polo Concello, a Deputación supervisará a modificación e, de ser o caso, dará a súa aprobación, sen a cal non será posible o pago da subvención.



- Na data 13/11/2024 o Concello adxudica o contrato da obra por un importe de 905.026,40€, resultando unha baixa de adxudicación de 89.617,41€ (9,01%). Na data 15/11/2024 formalízase o correspondente contrato administrativo.
- Na data 05/02/2025, o Concello de Tui presenta no Rexistro da Deputación (núm. Rexistro WEB2025007180) un proxecto modificado, unha resolución da alcaldía de aprobación da modificación do proxecto, e unha solicitude de autorización sectorial á Dirección Xeral de Patrimonio da Consellería de Cultura, Lingua e Xuventude da Xunta de Galicia. O 07/02/2025 emítese requirimento ao Concello (NOT2025002749), que foi contestado o día 12/02/2025 coa presentación dun informe da redactora do proxecto respecto as autorizacións sectoriais, o plano de pavimentos e ámbito da actuación, así como a resolución de adxudicación da obra (núm. Rexistro WEB2025008361). Posteriormente, con data 26/02/2025, o Concello de Tui presenta un informe subscrito pola persoa que ostenta a secretaría xeral relativo á aprobación do proxecto modificado pola Comisión de Seguimento do Plan Especial de Protección do conxunto histórico Artístico de Tui (PEPCHA) (núm. Rexistro WEB2025012059). O novo orzamento de adxudicación (aplicando a porcentaxe de baixa) ascende a 1.165.581,54€, resultando un incremento de 260.555,14€ (28,79%), que pode financiarse contra a baixa de adxudicación (89.617,41 €), e ao abeiro do Plan Máis Provincia 2025 (170.937,73 €), cuxa solicitude xa se está a tramitar. Finalmente, o día 06/03/2025 o Concello presenta a resolución da Dirección Xeral de Patrimonio Cultural pola que se autorizan as sondaxes e controis arqueolóxicos, así como os planos das seccións (núm. Rexistro WEB2025014969).

A necesidade de modificar o proxecto xorde porque unha vez iniciadas as obras, e tras a comprobación do estado das redes existentes ocultas ou tapadas na contorna, puido comprobarse que os tubos da rede de saneamento onde verten as augas de fecais e pluviais atópanse en moi mal estado, o que fai necesaria estudar a substitución das instalacións. O mesmo sucede co abastecemento nunha parte importante da rúa Augusto González.

- O técnico facultativo do Servizo de Cooperación emite informe de supervisión do proxecto na data 07/03/2025 (CSV: 896Q6Y5M5L32L6G9).
- Examinado o proxecto modificado pola Comisión de persoas expertas do Programa PON2030 na sesión de data 14/03/2025, conclúese que pódese continuar coa tramitación do expediente, tendo en conta que os cambios non afectan aos aspectos técnicos, aos obxectivos propostos da Axenda 2030, as políticas panca consideradas no proxecto orixinal, nin aos principios Ágora, manténdose a puntuación obtida na baremación de acordo aos criterios de valoración fixados nas bases da convocatoria.
- O día 14/03/2025 a xefa do Servizo de Cooperación informa favorablemente o expediente (CSV: 51G8UL5B1LEFKX1N).
- Na data 18/03/2025 o enxeñeiro de camiños, canais e portos adscrito a Intervención emite informe no que considera que os cambios introducidos no proxecto non modifican a puntuación obtida na baremación de acordo aos criterios de valoración fixados nas bases da convocatoria (CSV: YZ56U885NDEBICV5)).
- O día 18/03/2025 a Intervención provincial informa favorablemente a proposta de aprobación do proxecto modificado (CSV: 6YH45D96KZHHUQJH).
- Sométese, así mesmo, ao ditame da Comisión Informativa de Cooperación Local, Transfronteiriza e de Coordinación das Emerxencias Provinciais.



FUNDAMENTOS DE DEREITO

Réxime xurídico

- Lei 38/2003, de 17 de novembro, xeral de subvencións (LXS), e o seu Regulamento aprobado por Real Decreto 887/2006, de 21 de xullo (RLXS)
- Lei 9/2007, de 13 de xuño, de subvencións de Galicia (LSG), e o seu Regulamento aprobado por Decreto 11/2009, de 8 de xaneiro (RLSG)
- Lei 7/1985, de 2 de abril, reguladora das bases do réxime local (LRBRL)
- Lei 39/2015, de 1 de outubro, do procedemento administrativo común das administracións públicas (LPACAP)
- Lei 40/2015, de 1 de outubro, de réxime xurídico do sector público (LRXSP)
- Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais (ROFRXEL)
- Real Decreto Legislativo 2/2004, de 5 de marzo, polo que se aproba o Texto refundido da Lei reguladora das facendas locais (TRLRFL)
- Lei 9/2017, de 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014 (LCSP)
- Ordenanza xeral de subvencións da Deputación de Pontevedra, aprobada no Pleno provincial do 28 de outubro de 2016 e publicada no BOPPO do 30/12/2016 (OXSDPPO)
- Bases de execución do orzamento da Deputación para o vixente exercicio
- Bases reguladoras e convocatoria do Programa provincial de infraestruturas e dotacións singulares para a execución da Axenda 2030 – Programa PON2030
- Convenio de colaboración entre a Deputación de Pontevedra e o Concello de Tui para a execución da actuación denominada “Execución Paseo da Corredoira e Augusto Glez. Besada. Fase 1: Augusto Glez. Besada e Corredoira Sur” ao abeiro do Programa PON2030

Consideracións xurídicas

Instrución do expediente

- Base reguladora 7ª da convocatoria, pola que a instrución do procedemento correspóndelle á xefa do Servizo de Cooperación.

Petición e evacuación de informes

- Artigos 79 e 80 da LPACAP, sobre a petición e a evacuación de informes.
- Artigo 88.6 da LPACAP, que sinala que a aceptación de informes ou ditames servirá de motivación á resolución cando se incorporen ao texto da mesma.
- Artigos 213 e ss. do TRLRFL, sobre o control e a fiscalización da xestión económica que lle corresponde realizar á Intervención.
- Bases 47ª e 48ª de execución do vixente orzamento provincial, sobre o control e a fiscalización da xestión económica, que sinala a competencia da Intervención para realizar esta función.

Resolución do expediente



- Artigo 2 da LSG, en concordancia co artigo 2 da LXS, que na definición de subvención vincula a disposición dineraria entre outros requisitos, a que a entrega estea suxeita ao cumprimento dun determinado obxectivo, a execución dun proxecto, a realización dunha actividade, ou a adopción dun comportamento singular, xa realizados ou por desenvolver, debendo o beneficiario cumprir as obrigacións materiais e formais que se estableceran.
- Artigo 11.a) da LSG, en concordancia co artigo 14.1.a) da LXS, que establece como obriga do beneficiario cumprir o obxectivo ou executar o proxecto que fundamenta a concesión da subvención.
- Artigo 64 do RLXS que dispón que unha vez recaído un acordo ou resolución de concesión pódese solicitar unha modificación do seu contido, de acordo co disposto nas bases reguladoras da subvención, e sempre e cando non se prexudique dereitos de terceiros e se solicite antes de que conclúa o prazo para a realización da actividade.
- Artigo 16 da OXSDPPO, respecto da modificación da resolución de concesión, pola que salvo que nas bases reguladoras, resolución de aprobación da convocatoria ou de concesión se estableza o contrario, o beneficiario poderá solicitar a súa modificación, non debendo variarse o destino ou finalidade da subvención. En concorrencia competitiva a modificación só será posible no caso de que non altere a puntuación obtida pola persoa beneficiaria por aplicación dos criterios de concesión.
- Artigo 205 da LCSP, que recolle os supostos de modificacións non previstas nos pregos de cláusulas administrativas, así como os límites na alteración das súas contías.
- Artigo 242.4 da LCSP, polo que de considerarse necesaria unha modificación do proxecto procederase á súa redacción e aprobación polo órgano de contratación.
- Cláusula 6ª do Convenio, en concordancia coa Base reguladora 17ª da convocatoria, pola que, se durante a execución da obra xurdise a necesidade de modificar o proxecto, o Concello deberá redactar e xestionar administrativamente, de acordo co establecido na normativa de contratos, a dita modificación, que deberá ser aprobada polo órgano competente do Concello. Esta modificación non poderá supoñer unha minoración da puntuación acadada no proxecto inicialmente presentado. Tras a aprobación polo Concello, a Deputación supervisará a modificación e, de ser o caso, dará a súa aprobación, sen a cal non será posible o pago da subvención. As modificacións financiaranse co importe das baixas que se produzan no proceso de adxudicación dos contratos. O importe das baixas non aplicadas aplicarase proporcionalmente entre a Deputación e o Concello. No caso de non existir ou de ser o importe da modificación superior ao importe da baixa, financiarase coa achega do Concello ou coas doutros entes públicos.

Competencia para resolver

- Correspóndelle ao Pleno da Deputación, de acordo coa Base 16ª de execución dos orzamentos da Deputación para o vixente exercicio, e en virtude dos artigos 33 da LRBRL e 185 do TRLRFL.

CONCLUSIÓNS

O proxecto modificado presentado polo Concello de Tui para a execución da actuación denominada "Execución Paseo da Corredoira e Augusto Glez. Besada. Fase 1: Augusto Glez.



Besada e Corredoira Sur”, no marco do Programa PON2030, non altera nin a finalidade nin o obxecto para o que se outorgou a axuda económica da Deputación.

O Concello tramitou o oportuno expediente porque unha vez iniciadas as obras, e tras a comprobación do estado das redes existentes ocultas ou tapadas na contorna, puido comprobarse que os tubos da rede de saneamento onde verten as augas de fecais e pluviais atópanse en moi mal estado, o que fai necesaria estudar a substitución das instalacións. O mesmo sucede co abastecemento nunha parte importante da rúa Augusto González.

O proxecto modificado incrementa o orzamento de adxudicación en 260.555,14 €. Tendo en conta que existe unha baixa na adxudicación por importe de 89.617,41 €, pode financiarse contra dita baixa de adxudicación (89.617,41 €), e ao abeiro do Plan Máis Provincia 2025 (170.937,73 €), cuxa solicitude xa se está tramitando.

A Comisión de Persoas Expertas do Programa PON2030 pon de manifesto que os cambios introducidos non afectan á puntuación obtida no proceso de baremación de acordo aos criterios de valoración fixados nas bases da convocatoria.

O proxecto modificado preséntase antes de que remate o prazo de execución das obras acollidas no Programa PON2030 e co mesmo non se prexudican intereses de terceiros, nin se alteran as circunstancias que se tiveron en conta para a concesión da subvención. En consecuencia, non se prexudican os principios de igualdade, obxectividade e non discriminación que deben rexer os procedementos de concesión de subvencións, e en particular no sistema de concorrencia competitiva.

Por todo o exposto, e á vista dos antecedentes, fundamentos de dereito e conclusións sinaladas, sométese ao ditame da Comisión Informativa de Cooperación Local, Transfronteiriza e de Coordinación das Emerxencias Provinciais a seguinte PROPOSTA DE ACORDO:

- Aprobar o proxecto técnico modificado da actuación “Execución Paseo da Corredoira e Augusto Glez. Besada. Fase 1: Augusto Glez. Besada e Corredoira Sur” presentado polo Concello de Tui ao abeiro do Programa PON2030.
- DAR TRASLADO do presente acordo ao Concello de Tui, a Intervención, ao Servizo de Cooperación e ao Gabinete de Presidencia.”

Sometido a votación este asunto, a Comisión Informativa de Cooperación Local, Transfronteiriza e de Coordinación das Emerxencias Provinciais, ditamina favorablemente por unanimidade, cos votos a favor dos/as deputados/as do Grupo Provincial do PP (9), do Grupo Provincial do PSdeG-PSOE (6) e do Grupo Provincial do BNG (2).



4. Ditaminar a execución das sentenzas núm. 237/2022 de data 24/10/2022, do Xulgado Contencioso-Administrativo núm. 2 de Pontevedra e núm. 00059/2023 de data 10/03/2023, Sección 3ª da Sala do Contencioso-Administrativo do TSJG, consecuencia das alegacións presentadas polo Concello do Porriño contra o acordo plenario núm. 4.7719, de 17/12/2021, referente á exclusión da súa solicitude de subvención ao abeiro do programa ReacPon e concesión de subvención (Expte. 2021040022)

De conformidade co establecido nos artigos 123 a 126 do Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das Entidades Locais, sométese ao ditame da Comisión Informativa de Cooperación Local, Transfronteiriza e de Coordinación das Emerxencias Provinciais a seguinte proposta de acordo con carácter previo á súa elevación ante o órgano competente para a súa aprobación:

“ASUNTO: EXECUCIÓN DAS SENTENZAS NÚM. 237/2022 DE DATA 24/10/2022, DO XULGADO CONTENCIOSO-ADMINISTRATIVO NÚM. 2 DE PONTEVEDRA E NÚM. 00059/2023 DE DATA 10/03/2023, SECCIÓN 3ª DA SALA DO CONTENCIOSO-ADMINISTRATIVO DO TSJG, CONSECUENCIA DAS ALEGACIÓNS PRESENTADAS POLO CONCELLO DO PORRIÑO CONTRA O ACORDO PLENARIO NÚM. 4.7719, DE 17/12/2021, REFERENTE Á EXCLUSIÓN DA SÚA SOLICITUDE DE SUBVENCIÓN AO ABEIRO DO PROGRAMA REACPON E CONCESIÓN DE SUBVENCIÓN (Expte. 2021040022)

ANTECEDENTES

- O Pleno da Corporación Provincial na súa sesión ordinaria do día 28/05/2021, núm. 7.7624, acordou aprobar as Bases reguladoras e convocatoria do Programa provincial de infraestruturas e dotacións singulares para a recuperación post-COVID-19 – Programa ReacPon (Reacciona Pontevedra Provincia).

As devanditas bases e o extracto da convocatoria publicáronse no BOPPO núm. 102, do 01/06/2021, sendo o prazo de presentación de solicitudes de dous meses a partir de dita publicación.

- O 02/08/2021 o Concello do Porriño presentou no Rexistro da Deputación (núm. rexistro WEB2021030813) unha solicitude de subvención por importe de 645.024,26 euros para o investimento denominado “Humanización da Prolongación Antonio Palacios”, cun orzamento de 860.032,34 euros e cunha achega municipal de 215.008,08 euros. A actuación correspondíase coa Liña 3 de Espazos Urbanos das citadas Bases reguladoras do Programa ReacPon.
- Unha vez recibidas e examinadas todas as solicitudes, mediante o acordo do Pleno da Deputación de Pontevedra núm. 4.7719, de 17/12/2021, aprobouse a concesión das subvencións, excluíndose a solicitude realizada polo Concello do Porriño por canto o proxecto non acadaba o 50% da puntuación total, de conformidade co indicado na base 6.1 da convocatoria.

Na data 17/12/2021 practícase desde o Servizo de Cooperación a notificación do citado acordo desfavorable ao Concello do Porriño, constando a aceptación da mesma pola entidade local o día 20/12/2021.



- O Concello presentou o día 21/01/2022, mediante rexistro núm. 2022001531, alegacións debido ao recurso contra o citado acordo plenario aducindo que a resolución administrativa de exclusión da subvención debe ser anulada por ausencia de motivación, como consecuencia da infracción do artigo 35.2 da Lei 39/2015, de 1 de outubro, de procedemento administrativo común das administracións públicas (LPACAP), sinalando ademais que cumprían os requisitos para acadar a puntuación mínima esixida.
- Na data 09/02/2022 a xefa do Servizo de Cooperación emite informe técnico xurídico acerca do recurso de reposición no que se recolle que o recurso se presentou fóra de prazo (CSV: FRE8H9QOFLRCFNKB).
- A Secretaría Xeral emite na data 15/02/2022 un informe que conclúe que a presentación do recurso de reposición fóra de prazo ten como consecuencia a súa inadmisión en vía administrativa (CSV: S9S5NGMLM80H2BDO).
- Mediante o acordo plenario núm. 8.7751, de 25/02/2022, aproboouse a inadmisión a trámite por extemporáneo do recurso de reposición interposto polo Concello do Porriño contra o acordo núm. 4.7719, de 17/12/2021.

Na data 03/03/2022 practícase desde o Servizo de Cooperación a notificación do citado acordo, constando a aceptación da mesma pola entidade local na mesma data.

- Na data 13/05/2022 o letrado municipal interpón recurso contencioso-administrativo contra o acordo do Pleno. A través da sentenza núm. 237/2022 de data 24/10/2022, do Xulgado do Contenciosos-Administrativo núm. 2 de Pontevedra, anulase e revógase a resolución impugnada, e acordase a retroacción das actuacións para os efectos de que a Deputación dite nova resolución que resolva de conformidade a dereito.
- Con posterioridade, en sentenza núm. 00059/2023 de data 10/03/2023, a Sección 3ª da Sala do Contencioso-Administrativo do Tribunal Superior de Xustiza de Galicia desestima o recurso de apelación núm. 7017/2023 contra a devandita sentenza núm. 237/2022 de 24/10/2022.

Finalmente, contra esta sentenza, que non era firme, a Deputación de Pontevedra desiste da interposición de recurso de casación establecido no artigo 86 e ss. da Lei 29/1998, de 13 de xullo, reguladora da Xurisdición Contencioso-Administrativa.

- Na data 13/01/2025, mediante rexistro núm. 2025000446, o Concello do Porriño remite escrito de alegacións, solicitando, dunha parte, o acceso ao expediente administrativo e, doutra, a revisión das puntuacións outorgadas ao devandito proxecto, na valoración dos criterios 6.2.b); 6.2.c) e 6.2.d) e se actualice a táboa de baremación conforme as mesmas.
- Co fin de resolver as alegacións interpostas polo Concello do Porriño, en base á documentación que obra no expediente, o servizo instrutor procede dunha parte, a xestionar o acceso polo Concello do Porriño ao expediente electrónico e, doutra, a convocar á Comisión de persoas expertas do Programa ReacPon, que se reúne en data 29/01/2025 e na que se acorda estudar novamente o proxecto “Humanización prolongación Antonio Palacios” e demais documentación aportada, e elaborar un informe técnico ao respecto.
- En data 05/02/2025 reúnese de novo a Comisión de persoas expertas do Programa ReacPon e, tras estudar novamente o proxecto e analizar o informe técnico de data



05/02/2025 (CSV: 5600JZ3EWN4IHK), acorda prestar conformidade ao devandito informe, no que se outorga unha puntuación de 52,37 puntos ao proxecto “Humanización prolongación Antonio Palacios”, polo que do exame obxectivo e rigoroso do proxecto técnico dedúcese que cumpre os requisitos técnicos esixidos para ser considerado subvencionable.

- Na data 17/02/2025 a xefa do Servizo de Cooperación informa favorablemente o expediente (CSV: CPE2DZ6E2BCF8NDP).
- O día 12/03/2025 a Intervención provincial emite dilixencia de conformidade (CSV: 23ARRNCFF0X46XJS).
- Sometese, así mesmo, ao ditame da Comisión Informativa de Cooperación Local, Transfronteiriza e de Coordinación das Emerxencias Provinciais.

FUNDAMENTOS DE DEREITO

Réxime xurídico

- Lei 38/2003, de 17 de novembro, xeral de subvencións (LXS), e o seu Regulamento, aprobado por Real Decreto 887/2006, de 21 de xullo (RLXS)
- Lei 9/2007, de 13 de xuño, de subvencións de Galicia (LSG)
- Lei 7/1985, de 2 de abril, reguladora das bases do réxime local (LRBRL)
- Lei 5/1997, de 22 de xullo, reguladora da administración local de Galicia (LALGA)
- Lei 39/2015, de 1 de outubro, do procedemento administrativo común das administracións públicas (LPACAP)
- Lei 40/2015, de 1 de outubro, de réxime xurídico do sector público (LRXSP)
- Lei 19/2013, de 9 de decembro, de transparencia, acceso á información pública e bo goberno.
- Real Decreto 2568/1986, de 28 de novembro, polo que se aproba o Regulamento de organización, funcionamento e réxime xurídico das entidades locais (ROFRXEL)
- Lei 9/2017, de 8 de novembro, de contratos do sector público (LCSP)
- RD Lexislativo 2/2004, de 5 de marzo, polo que se aproba o Texto refundido da Lei reguladora das Facendas Locais (TRLRFL)
- Ordenanza xeral de subvencións da Deputación de Pontevedra (OXSDPPO)
- Bases de execución do orzamento da Deputación para o vixente exercicio
- Bases reguladoras e convocatoria do Programa provincial de infraestruturas e dotacións singulares para a recuperación post-Covid-19. Programa REACPON (Reacciona Pontevedra Provincia)

Consideracións xurídicas

Instrución do expediente

- Base reguladora 6ª da convocatoria, que establece que o procedemento de concesión das subvencións é o de concorrência competitiva, de acordo cos criterios de valoración recollidas nela



- Base reguladora 7ª da convocatoria, que indica que lle corresponde á xefa do Servizo de Cooperación á instrución do procedemento de concesión

Petición e evacuación de informes

- Artigos 79 e 80 da LPACAP, sobre a petición e a evacuación de informes
- Artigo 88.6 da LRXAP, que sinala que a aceptación de informes ou ditames servirá de motivación á resolución cando se incorporen ao texto da mesma
- Artigo 213 e ss. do TRLRFL, sobre o control e a fiscalización da xestión económica que lle corresponde realizar á Intervención
- Bases 47ª e 48ª de execución do orzamento provincial para o vixente exercicio, sobre o control e a fiscalización da xestión económica, que sinalan a competencia da Intervención para realizar esta función
- Artigo 24 da LXS, que establece que as actividades de instrución comprenderán, entre outras, a petición de cantos informes se estime necesarios para resolver ou que sexan esixidos polas normas que regulan a subvención
- Base reguladora 7ª da convocatoria, que indica que a xefa do Servizo de Cooperación, emitirá informe-proposta no que figurará a valoración feita pola comisión de persoas expertas á luz dos criterios de valoración establecidos nas bases.

Resolución do expediente

- Artigo 22 da LXS, que dispón que a proposta de concesión formularase ao órgano concedente a través do órgano instructor.
- Artigo 25 da LXS, polo que o órgano competente resolverá o procedemento e a resolución motivarase de conformidade co que dispoñan as bases reguladoras da subvención
- Artigo 62 do RLXS, que establece que na resolución de concesión deberán quedar claramente identificados os compromisos asumidos polos beneficiarios.
- Artigos 17 e ss. da OXSDPPO, que regulan o procedemento de concesión mediante concorrencia.

Competencia para resolver

- Correspóndelle ao Pleno da Deputación, de acordo coa Base 16ª de execución dos orzamentos da Deputación para o vixente exercicio, e en virtude dos artigos 33 da LRBRL e 185 do TRLRFL.

CONCLUSIÓN

Ao terse denegada polo acordo do Pleno da Deputación núm. 4.7719, na data 17/12/2021, a concesión de subvención ao Concello do Porriño por importe de 645.024,26 € ao abeiro do Programa ReacPon, por considerarse que o proxecto técnico “Humanización prolongación Antonio Palacios” non acadaba o 50% da puntuación total de conformidade co indicado nas bases da convocatoria para ser considerado subvencionable, e de acordo cos antecedentes e os fundamentos de dereito sinalados, e visto o informe dos Servizos Técnicos de Cooperación de data 05/02/2025, as actas das sesións da Comisión de Persoas Expertas celebradas o 29/01/2025 e o 05/02/2025, o informe da xefa do Servizo de Cooperación de data 17/02/2025, a dilixencia de conformidade de Intervención de data 13/03/2025, sométese ao



ditame da Comisión Informativa de Cooperación Local, Transfronteiriza e de Coordinación das Emerxencias Provinciais a seguinte PROPOSTA DE ACORDO:

- EXECUTAR AS SENTENZAS núm. 237/2022 de data 24/10/2022, do Xulgado Contencioso-Administrativo núm. 2 de Pontevedra e núm. 00059/2023 de data 10/03/2023, Sección 3ª da Sala do Contencioso-Administrativo do TSJG, e na súa consecuencia, estimar as alegacións presentadas no seu día polo Concello do Porriño, como consecuencia do recurso interposto contra o acordo do Pleno da Deputación Provincial núm. 4.7719, de data 17/12/2021, ao considerarse que foron presentadas en tempo e que a súa solicitude de subvención acada o 50% da puntuación total esixible por Bases, en concreto, un 52,37%.
- DISPOÑER A INCOACIÓN DO EXPEDIENTE DE MODIFICACIÓN ORZAMENTARIA para dotar con crédito suficiente a aplicación 25/942.9420.762.75 ReacPon Porriño_00794 para conceder unha subvención.
- CONCEDER unha subvención ao Concello do Porriño por importe de 645.024,26 € quedando condicionada a mesma á eficacia do correspondente acordo de modificación orzamentaria.”.

Sometido a votación este asunto, a Comisión Informativa de Cooperación Local, Transfronteiriza e de Coordinación das Emerxencias Provinciais, ditamina favorablemente por maioría, cos votos a favor dos/as deputados/as do Grupo Provincial do PP (9), a abstención do Grupo Provincial do PSdeG-PSOE (6) e os votos a favor dos/as deputados/as do Grupo Provincial do BNG (2).

5. Rogos e preguntas

Non houbo.

E non habendo máis asuntos que tratar, a Presidencia dá por finalizada a reunión, sendo as doce horas e dez minutos, do que, como secretaria, dou fe.

Pontevedra, na data da sinatura electrónica

A secretaria da Comisión,

Marina Piñeiro Novo

